

# Pyrmuo Eiropys folklorys dīna nūtikis

sastdiņ, 2023. gods 23. septembrī

Eiropys Folklorys dīna 2023 ir pilotprojekts, kuru īrūsnuoja i koordinēj Eiropys folkmuzykys teikluojuma – *European Folk Network (EFN)* – bīdri, tū leidzfinanšej Eiropys Savīneibys *MusicAIRE* programa. Ideja ir iz prīšku padareit Eiropys Folklorys dīnu kai regularu, kasgadeju nūtikšonu.



Music  
moves  
Europe

## ♦ Rošonus i mierki

Eiropys Folklorys dīnys iniciatīva ir taišni saisteita ar vīnu nu EFN mierku:

**radzami paruodeit, ka vysā Eiropā ir īvārojams cylvāku kūpums, kurs vīnā voi ūtrā veidā ir saisteits ar tradicionālajom muokslom** (muzyka, doncuošona, stuostnīceiba).

## ♦ Kurs var pīsadaleit Eiropys Folklorys dīnā?

**Pīsadaleit var sevkurs grybātuojis, ansamblis, grupa, instituteja, bīdreiba, kūpīna, darbneica voi lokala apvīneiba – kotrys, kurs grib pīsavīnuot** ar kaidu aktivitāti, kas ir saisteita ar tradicionālū muzyku, doncuošonu voi stuostnīceibu kai kluotīnis voi attuolynuota pasuokuma veidā. **SEVKURS ir gaideits** naatkareigi nu tuo, voi asat voi naasat EFN bīdryis.

## ♦ Kai es varu pīsadaleit Eiropys Folklorys dīnā?

Pīsadaleišonys veidi var byut vysaidi:

- Vīnkuoršs videoīroksts ar kaidu seneju voi jaunu dzīsmi, augšynīluodejūt tū socialajūs medejūs i atzeimejūt **#europeanfolkday**;
- Koncerts voi festivals ar vysaidim muokslinīkim taišni 23. septembrī voi ap itū datumu, i publikacejuos pīsaucūt tū kai daļu nu Eiropys Folklorys dīnys;
- **Ka esi žurnālists**, vari sovūs medejūs apsavērt kaidu dzīsmi voi muokslinīku, voi ari veļteit vysu dīnu itai temai. Kai ari publicēt Eiropys Folklorys dīnys nūtikšonys sovā vītejā voi nacionalajā medejā. Ka tev ir vajadzeigi kaidi īsacejumi, vaicoj mums: EFN bīdri, kuri var atbaļsteit ar padūmu, ir gondreiž vysuos vaļstīs.

**Vareibai pīsadaleit nav rūbežu.** Ka navari nikuo izdūmuot, pīroksi **e-postu** (kontakti zamuok) voi apsaver jaunū **sātyslopu** i mes tev paleidzēsīm atrast idejis.

Kod esi izdūmuojis par sovu pīsadaleišonys veidu, pastuosti mums par tū sātyslopā [īte](#), i īsnēdz informaceju myusu datubazē. Tova nūtikšona tiks dalykta datubazei i Eiropys kartē. Piecuok mes informēsīm pasauli par Eiropys Folklorys dīnys atteisteibu i izplateibu i nūdrūsnyuosim itom nūtikšonom radzameibu. Tu vari ari pīsaraksteit Eiropys Folklorys dīnys viestim [īte](#).

## ♦ Kai es varu sasaznyuot ar organizatorim?

EFN ir nalela komanda, kurei koordinēj Eiropys Folklorys dīnys projektu. Asam sataisejuši eipašus e-postus vysaidom vajadzeibom:

- Vaicuojumy par pīsadaleišonu: Eric – [participate@europeanfolkday.eu](mailto:participate@europeanfolkday.eu)
- Dorbs ar medejim i žurnālistim: Araceli – [media@europeanfolkday.eu](mailto:media@europeanfolkday.eu)
- Cyti vaicuojumy: Nod – [info@europeanfolkday.eu](mailto:info@europeanfolkday.eu)

**Mes gaideisim kotru, kurs grib pīsavīnuot itai Eiropys leluma iniciatīvai, lai atbaļsteitu i atzeimātu kūpīnu tradicionāluos muoksls vysā Eiropā.**

**Eiropys Folklorys dīna ir teve poša radeita, radeita tev, vysim kūpā!**



Translation to Latgalian: Edīte Laime